

BOSNA I HERCEGOVINA
FEDERACIJA BiH
GRAD ZENICA

Služba za socijalnu zaštitu, stambene poslove i društvene djelatnosti

Broj: 07-11-9445/23/ZI
Zenica: 29.05.2023. godine

STRUČNA SLUŽBA GRADSKOG VIJEĆA

PREDMET: Stav Službe, Izvještaj o radu JP za upravljanje i održavanje sportskih objekata d.o.o. Zenica, dostavlja se;

Javno preduzeće za upravljanje i održavanje sportskih objekata d.o.o. osnovano je 30.maja 2001. godine. Odlukom Općinskog vijeća su navedeni objekti kojim će Preduzeće upravljati:

- Kompleks Kamberovića polje:
 - nogometni travnati i tenis tereni sa zemljanom podlogom;
 - otvoreni betonski tereni;
 - teren sa umjetnom travom;
- Otvoreni bazeni u Crkvicama;
- Kuglana;
- RSC Smetovi;
- Stadion «Papirna»;
- Dom strijelaca,
- Naknadno su izgrađeni sportski objekti „Atletski stadion“ i Arena „Husejin Smajlović“ te malonogometno igralište s umjetnom travom, tereni za skateboarding i „B“ nogometni stadion, takođe sa umjetnom travom.

Tokom 2022. godine, sportske objekte koristili su svi lokalni klubovi, kao i reprezentativne selekcije u različitim sportovima. Među njima su i zenički olimpijci koji su najveći dio trenažnog procesa obavili na Kamberovića polju. Kada se tiče aktivnosti provedenih na pojedinačnim sportskim objektima kojima upravlja Preduzeće, isti su prikazani u nastavku kako slijedi:

Kompleks Kamberovića polje:

a) Nogometni tereni «A» i «B»

Ove terene u protekloj godini koristile su sljedeće sportske organizacije, odnosno klubovi: NK "Čelik" (sve selekcije - od pjetlića do seniora), ŽNK "Čelik Zenica" (do obustave rada), NK "Čelični grad" (od pjetlića do seniora), NK „Fortuna“ (sve selekcije), NK „Sporting“ (sve selekcije), Ragbi klub "Čelik" (sve selekcije), Ragbi klub "Rudar" (senioru) i Ragbi reprezentacija BiH (sve selekcije).

b) Atletska staza i Zapadna tribina:

Atletski stadion (ispunjava sve evropske standarde, posjeduje certifikat IAAF-a). Staza je već dotrajala i potrebno je izvršiti zamjenu ili reparaciju postojeće.

U 2022. godini na Atletskom stadionu Preduzeće je bilo domaćin sljedećih manifestacija:

- Međunarodni atletski miting,
- Državna atletska takmičenja i prvenstva iz kalendara Atletskog saveza BiH,
- Prvenstvo BiH za invalide i drugo.

Preduzeće je na Zapadnoj tribini izdalo u zakup sve raspoložive prostore čime je znatno obogaćena ugostiteljska ponuda na cijelom prostoru Kamberovića polja.

a) Teniski tereni

U toku 2022. godine teniske terene koristilo je 5 klubova, a to su: TK «Čelik», TK «Mladost», TK «Euronec», TK „Napredak“ i TK „As“, te Udruženje teniskih rekreativaca. Osim klubova, teniske terene u velikoj mjeri koriste i rekreativci. Zahvaljujući dobroj saradnji sa Teniskim savezom BiH, svi turniri iz državnih prvenstava održani su na Kamberovića polju.

b) Otvoreni tereni

Ovi tereni se nalaze na otvorenom prostoru i koriste se bez naknade. Svi klubovi ih koriste za trenažne potrebe, osnovne i srednje škole održavaju časove fizičke kulture, a najčešće ih koriste rekreativci.

c) Svlačionice

Preduzeće nudi korisnicima šest moderno opremljenih svlačionica u okviru stadiona Kamberovića polje. Potpisani su ugovori sa sportskim klubovima koji su iskazali interes za korištenje ovih svlačionica.

d) SRK Kamberovića polje

Pored ovih objekata, na Kamberovića polju u stalnoj su funkciji i dvije šahovske table na otvorenom prostoru koje koriste uglavnom penzioneri. Na prostoru parkinga na Kamberovića polju u 2022. godini održano je nekoliko kulturnih i dječijih manifestacija. Luna park je bio na raspolaganju građanima i tokom 2022. godine. Od iskorištenih objekata u 2022. godini je i igralište za mali nogomet sa umjetnom travom (tzv. Turski park) sa potpunim kapacitetom termina.

e) Arena „Husejin Smajlović“

Sportsku dvoranu najrepresntativnijeg sportskog objekta u Zenici najčešće koriste košarkaški klubovi: OKK “Čelik”, ZKK “Čelik”, KK “Jumper” i rukometni klubovi: RK “Čelik”, ŠR “Čelik-Junior”, a pored njih koriste još MNK “Neimari”, te ostali sportski kolektivi kao i rekreativci. Zenica je bila domaćin prestižnih manifestacija kao što je kvalifikacioni UEFA turnir za Evropsko prvenstvo u futsalu u organizaciji N/FSBIH. Arena “Husejin Smajlović” dobila je najveće ocjene domaćih i gostujućih saveza drugih država.

Tu je i niz ostalih sportskih aktivnosti poput projekata povodom Dana državnosti i Dana nezavisnosti BiH, Međunarodnog košarkaškog turnira Kengur kup, Međunarodnog rukometnog turnira prijateljstva u organizaciji ŠR “Čelik Junior”, Međunarodni rukometni turnir u organizaciji RK “Čelik”, i drugo. U protekloj godini održana su tri velika koncerta regionalnih pjevača. Također, održan je neizostavni događaj promocija studenata Univerziteta u Zenici u novembru mjesecu.

Kompleks gradskih bazena u Crkvicama:

U sezoni 2022., Gradski bazeni dosegli su granicu izdržljivosti, posebno kada je vodotok u pitanju. Nastale su velike pukotine na cijevima, kao i u bazenima gdje se voda ne može duže vrijeme zadržati. Zbog toga, dolazi do ubrzanog pražnjenja bazena i nesigurnosti rada istih. Procjenjuje se da bi projekat rekonstrukcije koštao oko 5,5 miliona KM. Gradska uprava Zenica izdvojila je značajna sredstva (cca 115.000,00 KM) za nabavku opreme kako bi se obogatio sadržaj na kompleksu Gradskih bazena.

Ljetna sezona 2022. godine, imajući u vidu vremenske prilike, i ostale nepogodnosti, kvalitetno je iskorištena.

Kuglana:

Preduzeće ima potpisan ugovor sa firmom Kurtagić consulting d.o.o. Zenica kojim su regulisana sva prava i obaveze kuglane.

RSC Smetovi :

Ugostiteljski objekat na Smetovima bio je izdat firmi PPUP „Salčinović d.o.o. Zenica sve do jula 2022. godine, kada je dugogodišnji Ugovor prestao da važi. Na osnovu Javnog poziva zaključen je Ugovor o zakupu na 10 godina sa firmom „New Aspect“ d.o.o. Zenica, ujedno, gore navedena firma, jedina je aplicirala na Javni poziv.

Dom strijelaca (Streljana) :

Trenutno Dom koristi Streljački klub Zenica, firma „Shot“ i druga slična udruženja. Objekat je vrlo specifičan i zahtjevan za održavanje. U tekućoj godini Preduzeće je podnijelo tužbu protiv Streljačkog kluba Zenica, zbog raskida međusobnog Ugovora o korištenju Doma strijelaca.

Stadion Papirna :

Glavni dio objekta (stadion) trenutno je van funkcije zbog nepostojanja dovoljnih sredstava da Javno preduzeće krene u projekat sveobuhvatne rekonstrukcije, dok je dio objekta tzv. „Partizan“ u upotrebi i koristi ga Sportsko društvo „Winner“ koje okuplja pedagoge tjelesnog odgoja i vaspitanja.

Održavanje javne rasvjete u Gradu Zenica

Svake godine na osnovu Ugovora sa Gradom Zenica, Preduzeće obavlja poslove na održavanju javne rasvjete i dekoracije Grada Zenica. Posjeduju kompletnu opremu koja je neophodna za obavljanje takve vrste poslova, ali i druge poslove iz domena rada preduzeća (kamion sa dizalicom i kamion putar). Dio dekoracije je Javno preduzeće nabavilo i na taj način upotpunilo ukupan dekorativni sadržaj tokom zimskih blagdana.

Uporedni pregled ukupnih prihoda i rashoda 2021.g i 2022.g.

	2021.	2022.
PRIHODI	1.452.201,00	1.659.523,00
RASHODI	1.578.778,00	1.647.912,00
OSTVARENA DOBIT	-126.577,00	11.611,00

Kadrovska struktura

Preduzeće je zaključno sa 31.12.2022. godine brojalo ukupno 29 zaposlenih i raspoređenih radnika, od čega 4 VSS radnika, 7 SSS, 2 KV i 16 NK radnika.

Nadzorni odbor je utvrdio da je rad direktora Preduzeća bio zasnovan na utvrđenoj poslovnoj politici, pa je na osnovu Izvještaja o radu i poslovanju Preduzeća za 2022. godinu, Izvještaja o radu direktora u 2022. godini i vlastitog izvještaja, dao pozitivnu ocjenu o radu za direktora Talić Nedima u 2022. godini u periodu od januara do augusta 2022. godine, kao i Vršioca dužnosti direktora Mugdima Elezovića u periodu od septembra do decembra 2022. godine.

Cijeneći sve navedeno a s obzirom na prezentirane pokazatelje o radu, rukovođenju, upravljanju i nadzoru nad radom Preduzeća, Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JP za upravljanje i održavanje sportskih objekata d.o.o. za 2022. godinu na razmatranje.

PRILOZI:

1. Izvještaj o radu JP za Upravljanje i održavanje sportskih objekata Zenica za 2022.godinu;
2. Zaključak NO o usvajanju Izvještaja o radu i poslovanju, br. 408-5/23;
3. Izvještaj o radu direktora za 2022. godinu, br. 406-1/23;
4. Zaključak NO o usvajanju Izvještaja o radu direktora br. 408-4/23.
5. Plan rada i poslovanja za 2023.godinu
6. Zaključak NO o usvajanju plana rada i poslovanja Preduzeća za 2023. godinu, br. 408-3/23;
7. Izvještaj o radu Nadzornog odbora za 2022.godinu, br. 387/23;
8. Zaključak NO o usvajanju Izvještaja o radu Nadzornog odbora za 2022. godinu uz ocjenu rada direktora, br. 408-6/23;

DOSTAVLJENO:

1 x Naslov
1 x a/a

